


Calvin Maduro ta firma cu Leones de Ponce pa parti semi-final di campeonato na Puerto Rico

ORANJESTAD/PUERTO RICO- Informacion cu nos a ricibi ayera ta mustra cu e pitcher Arubano, Calvin Maduro, despues di tabatin un actuacion hopi bon cu e team di Baseball den e Liga Profesional di Venezuela cu Leones de Caracas, awor a keda firma cu un team profesional di Puerto Rico.

Despues cu Venezuela a

conoce un welga general, caminda cu hasta e weganan di e Liga Profesional di Baseball Venezolano tambe a keda cancela y cosnan no a bai manera e pitcher Arubano tabata kier y practicamente a regresa Aruba.

Sinembargo, ayera nos a haya informacion cu Calvin a keda contrata pa e team Leones de Ponce, cual ta hunga den e



Liga Profesional di Puerto Rico cu ta drentando den su parti semi final.

Gerente general di e team Leones de Ponce, Sr. Ramon Luis Conde a duna di conoce den un entrevista ayera cu nos pitcher Arubano lo uni na e

team pa e parti di e semi finalnan di e campeonato regular di Baseball Puertorriqueño.

Calvin lo bai yena e buraco cu e relevista Bryan Roberts a laga despues cu e ultimo aki a regres Merca.

Sigur esaki ta un excelente noticia ya cu asina Calvin por

sigui den entrenamiento, esta di por enfrente situacionnan real di wega despues cu su actuacion a keda cortico debi na e welga cu tin ainda na Venezuela y asina e por sigui prepara su mes mas ainda pa inicio di Spring Training cu e team di Los Angeles Dodgers.